

# Subsurgery

- ▶ هاي المادة تقسم لأربع مواد رئيسية رح احكي عن كل وحدة فيهم لحال لانه دواماتهم وامتحاناتهم مختلفة
- ▶ وهم :
- ▶ ENT
- ▶ Ophthalmology
- ▶ Orthopedics ( رح تكون بسلايدات ثانية لحالها )
- ▶ Urology

# ENT

- ▶ روتيشن لمدة اسبوعين ، بتحكي عن ال ear , nose and throat
- ▶ من الروتيشنات اللي دوامها لطيف ، والكادر تبعها بشجع ع التعلم خلال الدوام وممارسة معظم الاشياء المطلوب منا نعملها او نتعلمها خلال فترة الروتيشن
- ▶ الدوام ببلش كل يوم الساعة ٨ بغرفة السيمينارات بالطابق الثاني مبنى العيادات ورا عيادات ال ent .
- ▶ ممنوع تتأخر عن ال ٨ خصوصا اذا السيمينار للدكتور طارق محافظة

▶ الدوام عبارة عن سيمينارين واحد الصباح ع ال ٨ والثاني بكون بنهاية الدوام ، بين السيمينارين بتكون الايام خلال الاسبوع موزعة للجميع يوم عمليات ويوم day case والباقي عيادات

▶ بالعيادة كثير بتتعلمو ومعظم مهارات الهيستوري والفيزيكال بتتعلموها بالعيادة وبتعملوها بايديكم كثير كمان لذلك هو يعتبر من الدوامات المفيدة جدا

▶ كل طالبين بطلع عليهم يشرحو سيمينار ويكون عليه جزء من التقييم ،  
السيمينارات بتكون موزعة ع الاخصائية بس اغلبهم بشرحوه المقيمين مع  
الطالبين اللي يكون عليهم شرح السمينار اصلا

▶ الالتزام بالدوام بأثر ع التقييم جدا وكل ما شاركت خلال العيادة اكثر والدكاترة  
عرفوك تقييمك يكون افضل بكثير

▶ مصادر الدراسة :

- ▶ دوسية ال ent الجديدة ممتازة وفيها اغلب المعلومات اللي بنحتاجها للمادة ولتحضير السيمينارات وتم تصحيح الدوسية واطافة ملاحظات عليها من احد مقيمين ال ent بالمستشفى
- ▶ برضو كتابة نوتس مع الدكاترة خلال السيمينارات اشى مفيد وبساعد بتثبيت المعلومات عندكم
- ▶ مع ذلك ممكن بعض الاسئلة سواء بال ميني اوسكي او بالفاينل تيجي من خارج الدوسية بس ما حد بعرف من وين

▶ وطبعاً ما ننسى الـ **past papers** كمصدر مهم للدراسة ، بحيث انه هي افضل اشى للـ **orientation** وانك تعرف كيف تدرس المادة وبالـ **ent** يفضل انك تدرس باست بيير كمان لانه فيها معلومات جديدة الطريقة المقترحة للدراسة بكل اشى بسنة خامسة هي انك تشوف باست بيير المادة اول وتشوف ع ايش بركزو وكيف بتيجي الاسئلة ع المواضيع بعدين تبلش تدرس بناءً ع اللي شفته بالباست بيير

## ▶ نيجي للامتحانات

- ▶ في بنهاية الروتيشن ميني اوسكي بكون عبارة عن ٥ اسئلة بالمتوسط وكل سؤال معه صورة واله افرع وانت بتشوف السؤال وبتجاوب ، مصدر الدراسة للميني اوسكي هو الدوسية بس للي ما بلحق يدرس من الدوسية في فايل ميني اوسكي موجود في اغلب السلايدات والمعلومات المهمة للميني اوسكي علما بأنه بيجي اسئلة من خارج الفايل للناس اللي بتعتمد عليه لحاله

▶ امتحان الفاينل بكون برضو بكل المادة اللي انتو اصلا درستوها للميني اوسكي  
اضافة لكل المواضيع اللي ما لحقتو تدرسوها بنهاية الروتيشن

▶ مهم تشوفو باست بيبر مشان تعرفو كيف تدرسو المادة ولانه بييجي منه

▶ امتحان الميني اوسكي بتنزل علامته من ١٠٠ والتقييمات من ١٠٠ برضو

▶ <https://juclinical.com/ent/>

# ophthalmology

- ▶ روتيشن اسبوعين ، بتحكي عن العيون
- ▶ من الروتيشنات اللي بتعتمد عليك وقديش بتبذل جهد لتحصل المعلومة خلالها
- ▶ الدوام ببلش ع الساعة ٩ بغرفة السيمينارات الطابق الثاني بمبنى العيادات ورا عيادات العيون

- ▶ الدوام عبارة عن سيمينارين واحد الصباح ع ال ٩ والثاني يكون بنهاية الدوام ، بين السيمينارين بتكون الايام خلال الاسبوع موزعة للجميع يوم عمليات ويوم بمركز السكري والباقي عيادات بمستشفى الجامعة
- ▶ بأول يوم دوام بتوخذو مقدمة عن المادة وبتراجعو الاناتومي تبع العين واهم الاشياء فيها وكمان بتتعلمو تستخدمو ال slit lamp اللي هو الجهاز اللي بفحصو عليه معظم المرضى بالعيادات
- ▶ بالعيادة يكون ضغط كثير اغلب الايام والمراجعين كتار ف المقيم يكون يا دوب ملحق يفحص لذلك معظمهم ما بيبادر بطرح معلومات او النقاش بوضع او حالة المريض مشان هيك لازم انت تسأله عشان توخذ المعلومات اللي بدك اياها او تطلب منه يخليك تفحص

- ▶ كل طالبين بطلع عليهم يشرحو سيمينار ويكون عليه جزء من التقييم ،  
السيمينارات بتكون موزعة ع الاخصائية ويكون مكتوب ع الجدول اللي بتوخذوه  
بأول يوم كل سيمينار مع اي اخصائي يكون
- ▶ الالتزام بالدوام بأثر ع التقييم جدا وبحاسبو ع الغياب بشكل صارم

- ▶ مصادر الدراسة :
- ▶ في دوسية وفي كتاب
- ▶ دوسية العيون الجديدة منيحة نوعا ما ولكن المصدر المعتمد والتي بتيجي منه الاسئلة حرفيا هو كتاب **lecture notes** الكتاب دقيق وبدو دراسة منيح لذلك
- ▶ التي ناوي يدرس كتاب لازم يبيلش من اول يوم بالروتيشن
- ▶ التي درسو كتاب منيح جاوبو اغلب الاسئلة التي اجت بالفاينل

- ▶ برضو كتابة نوتس مع الدكاترة خلال السيمينارات اشي مفيد وبساعد بتثبيت المعلومات عندكم
- ▶ وطبعاً ما ننسى ال **past papers** كمصدر مهم للدراسة ، بحيث انه هي افضل اشي لل **orientation** وانك تعرف كيف تدرس المادة
- الطريقة المقترحة للدراسة بكل اشي بسنة خامسة هي انك تشوف باست بيير المادة اول وتشوف ع ايش بركزو وكيف بتيجي الاسئلة ع المواضيع بعدين تبلش تدرس بناءً ع اللي شفته بالباست بيير

## ▶ نيجي للامتحانات

- ▶ في بنهاية الروتيشن ميني اوسكي بكون عبارة عن ٥ اسئلة بالمتوسط وكل سؤال معه صورة واله افرع وانت بتشوف السؤال وبتجاوب
- ▶ معظم الطلاب بدرسو فايل الميني اوسكي كمصدر للدراسة بدل الكتاب وبتجاوبو منه عدد منيح من الاسئلة بس اكيد اللي دارس الكتاب وملحق بكون وضعه افضل من ناحية الاجابات

▶ امتحان الفاينل بكون برضو بكل المادة اللي انتو اصلا درستوها للميني اوسكي  
اضافة لكل المواضيع اللي ما لحقتو تدرسوها بنهاية الروتيشن

▶ مهم تشوفو باست بيبر مشان تعرفو كيف تدرسو المادة ولانه بييجي منه

▶ امتحان الميني اوسكي بتنزل علامته من ١٠٠ والتقييمات من ١٠٠ برضو

▶ <https://juclinical.com/ophthalmology/>

# Urology

- ▶ المسالك البولية ، روتيشن لمدة اسبوعين
- ▶ الدوام ببلش كل يوم الساعة ٨ ونص تقريبا بغرفة السيمينارات بالطابق الثاني بمبنى المستشفى
- ▶ يكون في اول سيمينار للمقيمين بنحضره بعدين بعطونا السيمينار الصباحي تبعا ، وبنهاية الدوام في سيمينار مسائي
- ▶ بتتوزع ال ٣ اخصائية ، مع كل واحد عدد من الايام وحسب شو مداوم الاخصائي اللي توزعت معه يكون دوامك ، يعني اما عمليات او عيادات

- ▶ كل طالبين بطلع عليهم يشرحو سيمينار ويكون عليه جزء من التقييم ،  
السيمينارات بتكون موزعة ع الاخصائية بس اغلبهم بشرحوه المقيمين  
مع الطالبين اللي يكون عليهم شرح السمينار اصلا
- ▶ عيادات اليورو موجودة ع الطابق الأول بمبنى العيادات
- ▶ الالتزام بالدوام بأثر ع التقييم جداً وكل ما شاركت خلال العيادة اكثر  
والدكاترة عرفوك تقييمك يكون أفضل

- ▶ مصادر الدراسة :
- ▶ في دوسية وفي كتاب
- ▶ دوسية اليورو الجديدة منيحة كثير والاغلب بدرس منها ، المعلومات التي فيها بشكل كبير مأخوذة من حكي الدكاترة بالسيمينارات والتي بيكتب نوتس مع الدكاترة رح يلاحظ انه في تشابه كبير بين النوتات والدوسية
- ▶ الكتاب المعتمد عنا
- ▶ التركيز بالمحاضرات يعتبر من مصادر الدراسة كمان

▶ وطبعاً ما ننسى ال past papers كمصدر مهم للدراسة ، بحيث انه هي افضل اشى لل orientation وانك تعرف كيف تدرس المادة وبالبيورو يفضل انك تدرس باست بيير كمان لانه فيها معلومات جديدة الطريقة المقترحة للدراسة بكل اشى بسنة خامسة هي انك تشوف باست بيير المادة اول وتشوف ع ايش بركزو وكيف بتيجي الاسئلة ع المواضيع بعدين تبلش تدرس بناءً ع اللي شفته بالباست بيير

## ▶ نيجي للامتحانات

- ▶ في بنهاية الروتيشن اوسكي بكون عبارة عن ستيشن وحدة غالبا بعطيك فيها الدكتور سيناريو لحالة وبسألك عنها وبكون سهل بالمجمل
- ▶ عشان تجاوب محتاج يكون عندك معرفة نظرية عن بعض المواضيع
- ▶ بس الفكرة انه في مواضيع معينة بتتكرر بالاوسكيات هي اللي مهم تكونو دارسينها وحافظينها منيح ، علما انهم ممكن يجيبو اي موضوع

- ▶ امتحان الفاينل بكون برضو بكل المادة اللي انتو اصلا درستوها
  - ▶ للاوسكي اضافة لكل المواضيع اللي ما لحقتو تدرسوها بنهاية الروتيشن
  - ▶ مهم تشوفو باست بيبر مشان تعرفو كيف تدرسو المادة ولانه بييجي منه
  - ▶ امتحان الميني اوسكي بتنزل علامته من ١٠٠ والتقييمات من ١٠٠
- برضو

▶ <https://juclinical.com/urology/>

▶ هسه هدول الاربعة اللي هم

▶ ENT , ortho , ophthalgo ,uro  
ال sub surgery او الجراحات الخاصة

▶ هدول بالنهاية علامتهم بتنزل كمادة وحدة وال الافريج فيها ع الاغلب  
بكون واطي بأول السبعينات وال A بالسنتين الماضيين لحقت بداية ال

٨٠

▶ معادلة حساب المعدل فيهم بنرلوكم اياها بعدين